

Lu cuncumeddu

Tra picciotti, amici e parenti,
fimmini schetti, zziti e maritati,
tutti assittati, misi a cuncumeddu,
dicemu cu è bruttu e cu è beddu.

Talia cu sta passannu ...
la muglieri di ddu bon'omu
di lu zziu Pè,
ca di corna 'n'avi a tinchitè.

Facemu cuncumeddu,
ma a nuddu parlamu.

Lu vidistivu a Pippinu
lu firraru?
È zzitu cu la figlia di Paschidda,
fa l'amuri cu atri e po v'è 'n'idda.

Facemu cuncumeddu,
ma vi giuru a nuddu parlamu.

Talia ... talia, cu st'è passannu ...
mizzica!... Mussu pittatu russia,
cazetti niuri a riti, tacchi a spillu,
caminutura lesta e passu arzillu.

Mischina, ogni ghjornu si nn'è v'è
a la missa a prigari, di piccati
nn'avi tanti, sa v'è cunfissari,
si cu l'amanti l'amuri voli fari.

Facemu cuncumeddu,
comu viditi, a nuddu parlamu.

Giacuminedda, si susi pi ghirisinni,
mancu fici deci passi, ca una dici:
Giacumina, avi un zzitu, lasdu e pilusu,
cu si cci avvicina dici puru ca è fitusu.

Cu si nn'è v'è di lu cuncumeddu,
li ristanti, ognunu, dici la s'è,
cu è 'ngrasciata, cu è ghimmirutu,
cu è pizzenti e cu è curnutu.

Ristaru Ciccu e Caluzzu,
di li d'è, nuddu si nn'è iva,
pirchè, cu ristava,
puru a iddu parlava.

Perciò tra iddi si dissiru:
caru cumpari, amuninni a la casuzza,
finu a d'ora a nuddu amu sparlatu,
dissimu sulu, ca lu zziu Tanu è malatu.

Cari littura nun pinsati di falla franca, nuddu
si sarva di lu cuncumeddu,
di chiacchiari cci nn'è puru pi vatri,
l'onesti, natri, li facemu diventanu latrati.

2011 Giuseppe Cardella